



本紀第二十一

遼史二十一

開府儀同三司上柱國錄軍國重事尚書右丞相繼修國史領經筵事都總裁臣脫脫

奉

勅修

道宗一

道宗孝文皇帝諱洪基字涅鄰小字查剌興宗皇帝長子
母曰仁懿皇后蕭氏六歲封梁王重熙十一年進封燕國
總領中丞司事明年總北南院樞密使事加尚書令進封
燕趙國王二十一年為天下兵馬大元帥知惕隱事預朝
政帝性沉靜嚴毅每朝興宗為之斂容二十四年八月己
丑興宗崩即皇帝位於柩前哀慟不聽政辛卯百僚上表

固疑許之詔曰朕以菲德託居士民之上第恐智識有不及群下有未信賦歛妄興當罰不中上恩不能及下下情不能達上凡爾士庶直言無諱可則擇用否則不以為愆卿等其體朕意壬辰以皇太弟重元為皇太叔免漢拜不名癸巳遣使報哀于宋及夏高麗甲午遣重元安撫南京軍民戊戌以遺詔命西北路招討使西平郡王蕭阿剌為北府宰相仍權知南院樞密使事北府宰相蕭虛烈為武定軍節度使辛丑改元清寧大赦九月戊午詔常所幸園場外毋禁庚申詔除護衛士餘不得佩刃入宮非勳戚後及夷裔董副使承應諸職事人不得冠巾壬戌詔夷裔董

及副使之族并民如賤不得服駝尼水獺裘刀柄兔鶻靴勒珮子不許用犀玉骨突犀惟大將軍不禁乙丑賜內外臣僚爵賞有差庚午尊皇太后為太皇太后辛未遣左夷裔畢蕭謨魯翰林學士韓運以先帝遺物遺宋癸酉遣使以即位報宋丙子尊皇后為皇太后宴葦塗殿以上京留守宿國王陳留為南京留守壬午遣使賜高麗夏國先帝遺物冬十月丁亥有司請以帝生日為天安節從之以吳王仁先同知南京留守事陳王塗字特為南府宰相進封吳王壬寅以順義軍節度使十神奴為南院大王十一月甲子葬興宗皇帝於慶陵宋及高麗遣使來會名其山曰

永興丙寅以南院大王侯古爲中京留守北府宰相西平
郡王蕭阿剌進封韓王壬申次懷州有事於太宗穆宗廟
甲戌謁祖陵戊寅冬至有事於太祖景宗興宗廟不受群
臣賀十二月丙戌詔左夷离畢曰朕以眇冲獲嗣大位夙
夜憂懼恐弗克任欲聞直言以匡其失今已數月未見所
以副朕委任股肱耳目之意其令內外百官比秩蒲名
一事仍轉諭所部無貴賤老幼皆得直言無諱戊子應聖
節上太皇太后壽宴群臣命婦冊妃蕭氏爲皇后進封皇
弟越王和魯幹爲魯國王許王阿璉爲陳國王楚王涅魯
古徙封吳王辛卯詔部署院事有機密即奏其投諂訕書

輒受及讀者並棄市癸巳皇族十公悖母伏誅甲午以樞
密副使姚景行爲參知政事翰林學士吳湛爲樞密副使
參知政事同知樞密院事韓紹文爲上京留守丙申宋遣
歐陽脩等來賀即位戊戌詔設學養士頒五經傳疏置博
士助教名一員癸卯以知涿州楊績參知政事兼同知樞
密院事庚戌以聖宗在時生辰赦上京囚是年御清涼殿
放進士張孝傑等四十四人

二年春正月丙辰詔州郡官及僚屬決囚如諸部族例已
已詔二女古部與世預宰相節度使之選者免皮室軍是
月幸魚兒濼二月乙酉以左夷离畢蕭謨曾知西南面招

討都監事乙巳以興宗在時生辰宴群臣命各賦詩三月
丁巳應聖節曲赦百里內囚己卯御製放鷹賦賜群臣諭
任臣之意閏月己亥始行東京所鑄錢乙巳南京獄空進
留守以下官夏四月甲子詔曰方夏長養鳥獸孳育之時
不得縱火於郊五月戊戌謁慶陵甲辰有事于興宗廟六
月丁巳詔宰相舉才能之士戊午命有司籍軍補邊戊辛
酉阻卜酋長來朝貢方物丁卯高麗遣使來貢辛未罷史
官預聞朝議俾問宰相而後書乙亥中京蝗蝻為災丙子
詔強盜得實者聽諸路決之丁丑南院樞密使趙國王查
著為上京留守同知南京留守事吳王仁先為南院樞密

使乙酉遣使分道平賦稅繕戎器勸農桑禁盜賊八月辛
未如秋山九月庚子幸中京祭聖宗興宗於會安殿冬十
月丙子如中會川十一月戊戌知左夷離畢事耶律劃里
為夷離畢北院大王耶律仙童知黃龍府事甲辰文武百
僚上尊號曰天祐皇帝后曰懿德皇后大赦乙巳以皇太
叔重元為天下兵馬大元帥徙封趙國王查葛為魏國王
曾國王和魯幹為宋國王陳國王阿璉為秦國王吳王涅
魯古進封楚國王百官進遷有差十二月戊申朔以韓王
蕭阿剌為北院樞密使東京留守宿國王陳留北府宰相
宋國王和魯幹上京留守秦國王阿璉知中丞司事甲寅

上皇太后尊號曰慈懿仁和文惠孝敬廣愛宗天皇太后
三年春正月庚辰如鴨子河丙戌置倒塌嶺節度使乙未
五國部長來貢方物二月己未如大魚樂三月辛巳以楚
國王涅魯古為武定軍節度使夏四月丙辰清暑永安山
五月己亥如慶陵獻酎於金殿同天殿六月辛未以魏國
王齊葛為惕隱同知樞密院事蕭唐古南府宰相魏國王
貼不東京留守秋七月甲申南京地震赦其境內乙酉如
秋山八月辛亥帝以君臣同志華夷同風詩進皇太后九
月庚子幸中會川冬十月己酉謁祖陵庚申謁讓國皇帝
及世宗廟辛酉奠酎于玉殿十一月丙子以左夷離畢蕭

護魯為契丹行宮都部署庚子高麗遣使來貢十二月庚
戌禁職官於部內假貨貿易戊辰太皇太后不豫曲赦行
在五百里內囚己巳太皇太后崩

四年春正月壬申朔遣使報哀于宋夏如鴨子河鈎魚癸
酉宋遣使奉宋主繪像來丁亥知易州事耶律頗得秩滿
部民乞留許之二月丙午詔夷離畢諸路鞠死罪獄雖具
仍令別州縣覆案無冤然後決之稱冤者即具奏庚戌如
魚兒樂三月戊寅募天德鎮武東勝等處勇捷者籍為軍
甲午肆赦夏四月甲辰謁慶陵丁卯宋遣使弔祭五月庚
午朔上太行太皇太后尊謚曰欽哀皇后癸酉葬慶陵夏

國高麗遣使來會乙酉如永安山清暑六月乙丑以北院
樞密使鄭王蕭革為南院樞密使徙封楚王南院樞密使
吳王仁先為北院樞密使秋七月辛巳制諸掌內藏庫官
盜兩貫以上者許奴婢告壬午獵于黑嶺冬十月戊戌朔
以同知東京留守事侯古為南院大王保安軍節度使
底為奚六部大王十一月癸酉行再生及柴冊禮宴群臣
於八方殿庚辰御清風殿受大冊禮大赦以吳王仁先為
南京兵馬副元帥徙封隋王壬午謁太祖及諸帝宮丙戌
祠木葉山禁造玉器十二月辛丑詳駝尼水獺裘之禁乙
巳許士庶畜鷹辛亥南院樞密使楚王蕭革復為北院樞
密使閏月己巳賜皇太叔重元金券是歲皇子濬生

五年春如春州夏六月甲子朔駐蹕納葛濼己丑以南院
樞密使蕭阿速為北府宰相樞密副使耶律乙辛南院樞
密使惕隱查葛濼興軍節度使魯王謝家奴武定軍節度
使東京留守吳王貼不西京留守秋七月丁酉以烏古敵
烈詳穩蕭謨魯為左夷離畢冬十月壬子朔幸南京祭興
宗於嘉寧殿十一月禁獵十二月壬戌以北院林牙奚馬
六為右夷離畢參知政事吳湛以弟洵冒入仕籍削爵為
民是年上御百福殿放進士梁援等百一十五人
六年春如鴛鴦濼夏五月戊子朔監修國史耶律白請編

次御製詩賦仍命白為序己酉駐蹕納葛樂六月戊午朔
以東北路女直詳穩高家奴為惕隱壬戌遣使錄囚丙寅
中京置國子監命以時祭先聖先師癸未以隋王仁先為
北院大王賜御製誥冬十月甲子駐蹕藕絲淀

七年春三月庚戌如春州以耶律乙辛知北院樞密使事
夏四月辛未禁吏民畜海東青鶻五月丙戌清暑永安山
丙午謁慶陵辛亥殺東京留守陳王蕭阿剌六月壬子朔
日有食之甲子以蕭謨魯為順義軍節度使丁卯幸弘義
宮興崇德三宮致祭射柳賜宴賞賚有差戊辰行再生禮
群臣分朋射柳丁丑以楚國王涅魯古知南院樞密
使事秋九月丁丑駐蹕藕絲淀冬十一月壬午以知黃龍
府事耶律阿里只為南院大王

本紀第二十一

本紀第二十二

遼史二十二

詳府儀司在國錄軍國重事中書右丞相禮部國史領經進事都總裁臣脫脫奉

勅修

道宗二

八年春正月癸丑如鴨子河二月駐蹕納葛濼三月戊申朔楚王肅革致仕進封鄭國王夏五月吾獨婉惕隱屯秀葛等六歲貢馬駝許之六月丙子朔駐蹕拖古烈辛丑以右夷离畢奚馬六為奚六部人王是月御清涼殿放進士王鼎等九十三人秋七月甲子射熊于外室刺冬十月甲戌朔駐蹕獨盧金十二月庚辰以知北院樞密使事蕭圖

古辭為北院樞密使癸未幸西京戊子以皇太后行再生
禮曲赦西京囚

九年春正月辛亥幸駕鶯灤辛未禁民鬻銅三月辛未宋
主禎殂以姪暘為子嗣位夏五月丙午以隋王仁先為南
院樞密使徙封許王是月清署曷里俄秋七月丙辰如太
子山戊午皇太叔重元與其子楚國王涅魯古及陳國三
陳六同知北院樞密使事蕭胡覩衛王貼不林牙涅刺溥
古統軍使蕭迭里得駙馬都尉參及弟木者圖骨旗鼓拽
制詳魯耶律郭九文班太保奚叔內藏提點烏骨護衛左
太保敵不古按荅副宮使韓家奴寶神奴等凡四百人誘

脅魯手軍犯行宮時南院樞密使許王仁先知北樞密院
事趙王耶律乙辛南府宰相蕭唐古北院宣徽使蕭韓家
奴北院樞密副使蕭惟信數睦宮使耶律良等率宿衛士
卒數千人禦之涅魯古躍馬突出將戰為近侍詳穩渤海
阿厮護衛蘇射殺之己未族逆黨家庚申重元亡入大漠
自殺辛酉詔諭諸道壬戌以仁先為北院樞密使進封宋
王加尚父耶律乙辛南院樞密使韓家奴殿前都點檢封
荆王蕭惟信耶律馮家奴並加太子太傅宿衛官蕭肅乙辛
回鶻海隣畏里耶律撻不也阿厮官分人急里哥霞抹乙
辛只魯並加上將軍諸護衛及士卒庖夫魯手傘子等三

百餘人各授官有差耶律良密告重元變命籍橫帳夷离
董房爲漢人行宮都部署癸亥貼不訐爲重元等所脅詔
削爵爲民流鎮州戊辰以黑白羊祭天八月庚午朔遣使
安撫南京吏民癸酉以永興官使耶律塔不也有定亂功
爲同知點檢司事冬十月戊辰朔辛興王寺庚午以六院
部太保耶律合木知南院人王事是月駐蹕藕絲淀十一
月辛丑以南院宣徽使蕭九哥爲北府宰相己未追封故
富春郡王耶律義先爲許王是歲封皇子濬爲梁王
十年春正月己亥北幸二月禁南京民決水種粳稻秋七
月壬申詔決諸路囚辛巳禁僧尼和諧行在妄述禍福取

財物九月壬寅幸懷州謁太宗穆宗廟冬十月壬辰朔駐
蹕中京戊午禁民私刊印文字十一月甲子定吏民衣服
之制辛未禁六齋日屠殺丁丑詔求乾文閣所闕經籍命
儒臣校讎庚辰以彰國軍節度使韓謝十爲惕隱詔南京
不得私造御用綵段私貨鐵及非時飲酒命南京三司每
歲春秋以官錢饗將士十二月癸巳以北院大王蕭兀古
匿爲契丹行宮都部署是歲南京西京大熟

咸雍元年春正月辛酉朔文武百僚加上尊號曰聖文神
武全功大略廣智聰仁睿孝天祐皇帝改元大赦冊梁王
濬爲皇太子內外官賜級有差甲子如魚兒濼庚寅詔諸

遇正旦重午冬至別表賀東宮三月丁亥以知興中府事
楊績知樞密院事夏四月辛卯以知樞密院事張嗣復疾
改知興中府事庚子清暑拖古烈五月辛巳夏國遣使來
貢秋七月丙子以皇太后射獲熊賞賚百官有差八月丙
申客皇犯天廟詔諸路備盜賊嚴火禁九月乙亥駐蹕藕
絲淀丁丑左夷離畢慥古爲孟父敞隱冬十月丁亥朔辛
暨巫閭山己亥皇太后射獲虎大宴群臣令各賦詩十一
月壬戌有星如斗逆行隱隱有聲十二月甲午以遼王仁
先爲南京留守徙封晉王辛亥以南京留守蕭惟信爲左
夷離畢壬子熒惑與月並行自旦至午

二年春正月丁巳如鴨子河宋賀正使王巖卒以禮送還
癸未幸山榆淀二月甲午詔武定軍節度使姚景行問以
治道拜南院樞密使三月辛巳以東北路詳穩耶律韓福
奴爲北院大王壬午彗星見於西方夏四月霖雨五月乙
亥駐蹕拖古烈辛巳以戶部使劉詵爲樞密副使六月丙
戌回鶻來貢甲辰阻卜來貢秋七月癸丑朔以西北路招
討使蕭朮者爲北府宰相左夷離畢蕭惟信南院樞密使
同知南院樞密使事耶律白惕隱丙辰南院樞密使姚景
行致仕庚申錄囚辛酉景行復前職丁卯如藕絲淀以歲
旱遣使振山後貧民九月壬子朔日有食之以參知政事

韓孚為樞密副使冬十二月壬午以知樞密院事楊績為南院樞密使樞密副使劉詵參知政事戊子僧守志加守司徒丁酉以西京留守合木為南院大王辛丑以蕭朮者為武定軍節度使是年御永安殿放進士張臻等百一人二年春正月辛亥如鴨子河甲子御安流殿釣魚三月癸亥宋主曙殂子頊嗣位遣使告哀即遣右護衛太保蕭撻不也翰林學士陳覺等弔祭閏月丁亥扈駕軍營火賜錢粟及馬有差辛卯駐蹕春州北浞乙巳以蕭兀古匿為北府宰相夏五月壬辰駐蹕納葛灤壬寅賜隨駕官諸工人馬六月戊申有司奏新城縣民楊從謀反偽署官吏上曰

小人無知此兒戲爾獨流其首惡餘釋之庚戌宋遣使饋其先帝遺物辛亥宋以即位遣陳襄來報即遣知黃龍府事蕭圖古辭中書舍人馬鉉往賀壬戌南府宰相韓王蕭唐古致仕壬申以唐德軍節度使耶律察奴為南府宰相度支使趙徽參知政事秋七月辛丑焚惑書見九三十五日九月戊戌詔給諸路囚糧癸卯幸南京冬十一月壬辰夏國遣使進回鶻僧金佛梵九覽經十二月丁未以參知政事劉詵為樞密副使東北路詳穩高南院大王樞密直學士張孝傑參知政事己酉以張孝傑同知樞密院事丁巳行再生禮赦死罪以下是月夏國王太子詠祿薨是歲南

京旱蝗

四年春正月甲戌朔日有食之丙子如鴛鴦灤辛巳改易
州兵馬使爲安撫使丁亥獵炭山辛卯遣使振西京饑民
二月甲辰朔詔元帥府募軍壬子夏國王李諒祚子秉常
遣使告哀癸丑頒行御製華嚴經贊丁卯北行三月丙子
遣使夏國弔祭甲申振應州饑民乙酉詔南京除軍行地
餘皆得種稻庚寅振朔州饑民乙未夏國李秉常遣使獻
其父諒祚遺物夏四月戊午阿薩蘭回鶻遣使來貢五月
丙戌駐蹕拖古烈六月壬子西北路兩穀方三十里丙寅
以北院林牙耶律趙三爲北院大王右夷离畢蕭素峒中

京留守秋七月壬申置烏古敵烈部都統軍司丙子獵黑
嶺是月南京霖兩地震九月己亥駐蹕藕絲淀冬十月辛
亥曲赦南京徒罪以下囚永清武清安次固安新城歸義
容城諸縣水復一歲租戊辰冊李秉常爲夏國王十二月
辛亥夏國遣使來貢

五年春三月阻卜叛以晉王仁先爲西北路招討使領禁
軍討之夏六月己亥駐蹕拖古烈丙午吐蕃遣使來貢壬
戌以南院樞密使蕭惟信知北院樞密使事秋七月乙丑
朔日有食之戊辰夏國遣使來謝封冊癸未詔罷示皇族恃
勢侵漁細民八月謁慶陵九月戊辰仁先遣人奏阻卜捷

冬十月己亥駐蹕藕絲淀十一月丁卯朔四方館副使止
以契丹人充丁丑五國部阿里部叛命蕭素颯討之閏月
戊申夏國王李秉常遣使乞賜印綬己未僧志福加守司
徒十二月甲子行皇太子再生禮減諸路徒以下罪一等
乙丑詔百官廷議國政甲戌五國來降仍獻方物

六年春正月甲午如千鵝灤二月丙寅阻卜來朝貢方物
夏四月癸未西北路招討司以所降阻卜酋長至行在五
月甲辰清暑拖古烈甲寅設賢良科詔應是科者先以所
業十萬言進六月辛巳阻卜來朝乙酉以惕隱耶律白為
中京留守是月御永安殿放進士趙廷睦等百三十八人

秋七月辛亥獵于合魯鼐特八月丙子耶律白薨追封遼
西郡王九月庚戌幸藕絲淀甲寅以馬希白詩才敏妙十
吏書不能給召試之冬十月丁卯五國部長來朝壬申西
北路招討司擒阻卜酋長來獻十一月乙卯禁鬻生熟鐵
于回鶻阻卜等界十二月戊午加圓釋法鈞二僧並守司
空己未以坤寧郎赦死罪以下辛酉禁漢人捕獵
七年春正月戊子如鴨子河二月乙丑女直進馬丙寅以
南院樞密使姚景行知興中府事三月己酉以討五國功
加知黃龍府事蒲延懷化軍節度使高元紀易州觀察使
高正並千牛衛上將軍五國節度使蕭陶蘇幹寧江州防

御使大榮並靜江軍節度使毒黑水夏四月癸酉如納葛
灤乙亥禁布帛短狹不中尺度者六月己卯吐蕃來貢癸
未南院大王高八致仕秋七月甲申朔以東北路詳穩合
里只爲南院大王西南面招討使拾得奴爲奚六部大王
己丑遣使按問五京囚庚子如藕絲淀八月辛巳置佛骨
于招仙浮圖罷獵禁屠殺冬十月己卯如鑿巫閭山壬戌
以南府宰相耶律藥奴爲南京統軍使戊辰謁乾陵庚辰
詔百官廷議軍國事十一月戊子免南京流民租己丑振
饒州饑民丙午高麗遣使來貢十二月壬子以契丹行宮
都部署耶律胡覩知北院樞密使事知北院樞密使事

惟信爲南府宰相兼契丹行宮都部署丁巳漢人丁宮都
部署李仲禧北院宣徽使劉霽樞密副使王觀都承旨楊
興工各賜國姓戊寅回鶻來貢是歲春州斗粟六錢

本紀第二十三

遼史二十三

開府儀同三司在國錄軍國書中書丞和監修國史領經筵事都給教臣脫脫奉

勅修

道宗三

八年春正月癸未烏古敵烈部詳穩耶律巢等奏克北邊捷以戰多殺人飯僧南京中京甲申如魚兒灤壬寅昏霧連日二月丙辰北南樞密院言無事可陳壬戌以討北部功烏古敵烈部詳穩耶律巢知北院大王事都監蕭阿魯帶烏古敵烈部詳穩加左監門衛上將軍戊辰歲饑免武安州租稅振恩蔚順惠等州民三月癸卯有司奏春泰寧

江三州三千餘人願爲僧尼受具足戒許之夏四月壬子
振義饒二州民丁巳駐蹕塔里捨巳卯清暑拖古烈五月
壬午晉王仁先薨六月甲寅振易州貧民巳未振中京甲
子振中興府甲辰封北府宰相楊績爲趙王樞密副使耶
律觀參知政事兼知南院樞密使事丁丑高麗遣使來貢
秋七月巳郊慶州斬文高八丑同居詔賜爵丙申振饒州
饑民丁酉幸黑嶺丁未以御書畢嚴經五頌出示群臣閏
月辛未射熊于殺羊山八月庚辰混同郡王侯古薨遣使
致祭九月甲子駐蹕藕絲淀冬十月巳丑參知政事耶律
觀矯制營私第降爲庶人癸巳回鶻來貢十一月庚戌免
祖州稅丙辰大雪許民樵採禁地丁卯賜延昌宮貧民錢

十二月戊辰漢人行宮都部署耶律仲禧封韓國公樞密
副使參知政事趙徽出爲武定軍節度使樞密副使柴德
滋參知政事漢人行宮副部署耶律大悲奴陞都部署同
知南院樞密使事蕭韓家奴知左夷離畢事丁丑以坤寧
節大赦庚寅賜高麗佛經一藏
九年春正月丁未如雙灤夏四月壬辰如莊國厓秋七月
甲辰獵大熊山戊申烏古敵烈統軍言八石烈敵烈人殺
其節度使以叛巳酉詔隗烏古部軍分道擊之丙寅南京
奏歸義涑水兩縣蝗飛入宋境餘爲蜂所食八月丙申以

耶律仲禧爲南院樞密使九月癸卯駐蹕獨盧金冬十月
辛陰山遂如西京十一月戊午詔行幸之地免租一年甲
子南院大王合理只致仕十二月辛未已知北院樞密使
事耶律宜新爲中京留守南院宣徽使耶律撒剌爲南院
大王壬辰高麗夏國並遣使來貢

十年春正月乙卯如鴛鴦濼二月癸未蠲平州復業民租
賦戊子阻卜來貢三月甲子如拖古烈以耶律棠爲北院
大王夏四月旱辛未以奚人達魯二世同居賜官旌之五
月丙寅錄囚六月戊辰親出題試進士壬申詔臣庶言得
失丙子御永安殿策賢良秋七月丙辰如秋山癸亥謁慶

陵九月庚戌幸東京謁二儀五廟癸亥祠木葉山冬十
月丁卯駐蹕藕絲淀丁丑詔有司頒行史記漢書十一月
戊午高麗遣使來貢十二月辛巳改明年爲大康大赦
大康元年春正月乙未如混同江壬寅振雲州饑二月丁
卯祥州火遣使恤災乙酉駐蹕大魚濼丁亥以獲鴉加鷹
坊使耶律揚六爲工部尚書三月乙巳命皇太子寫佛書
夏四月丙子振平州饑乙酉如犢山閏月丙午振平濼二
州饑庚戌皇孫延禧生五月甲子賜妃之親及東宮僚屬
爵有差六月癸巳以興聖宮使奚謝家奴知奚六部大王
事戊戌知三司使事韓操以錢穀增羨授三司使癸卯遣

使按問諸路囚以惕隱大悲奴爲始平軍節度使參知政
事柴德滋武定軍節度使乙卯吐蕃來貢丙辰詔皇太子
總領朝政仍戒諭之以武定軍節度使趙徽爲南府宰相
樞密副使楊遵勗參知政事秋七月辛酉朔獵平地松林
丙寅振南京貧民八月庚寅朔日有食之九月乙亥駐蹕
藕絲淀已卯以南京饑免租稅一年仍出錢粟振之冬十
月西北路酋長遐搭羅搭雙古等來降十一月辛酉皇后
被誣賜死殺伶人趙惟一高長命並藉其家屬十二月己
丑以南京統軍使耶律藥奴爲惕隱漢人行宮都部署耶
律霖樞密副使同知東京留守事蕭鐸刺史西里庚寅賜

張孝傑國姓壬辰以西京留守蕭燕六爲左夷離畢
二年春正月己未如春水庚辰駐蹕雙灤二月戊子振黃
龍府饑癸丑南京路饑免稅租一年三月辛酉皇太后崩
壬戌遣殿前副點檢耶律轄古報哀于宋癸亥遣使報哀
于高麗夏國丁卯大赦戊寅以皇太后遺物遣使遺宋夏
六月乙酉朔上太行皇太后尊謚曰仁懿皇后戊子宋及
高麗夏國各遣使弔祭甲午葬仁懿皇后于慶陵己亥駐
蹕拖古烈壬寅出北院樞密使魏王耶律乙辛爲中京留
守丁未冊皇后蕭氏封其父祗候郎君鼈里刺爲趙王叔
西北路招討使余里也遼西部王漢人行宮都部署駙馬

都尉霞抹柳城郡王參知政事楊遵勗南院樞密使事
北院樞密副使蕭速撒知北院樞密使事漢人行宮副部
署劉訖參知政事己酉南府宰相趙徽致仕秋七月戊辰
如秋山癸酉柳城郡王霞抹薨八月庚寅獵遇麋失其母
憫之不射九月戊午以南京蝗免明年租稅己卯駐蹕
綏定冬十月戊戌召中京留守魏王耶律乙辛復為北院
樞密使十一月甲戌上欲觀起居注修注郎不攝及忽突
董等不進各杖二百罷之流林牙蕭崇壽於烏隗部是月
南京地震氏舍多壞十二月己丑以左夷萬畢蕭撻不也
為南京統軍使

三年春正月癸丑如混同江乙卯省諸道春貢金帛及傳
周歲所輸尚方銀二月壬午朔東北路統軍使蕭韓家奴
加尚父封吳玉甲申詔北院樞密使魏王耶律乙辛同母
兄大奴同母弟阿思世預北南院樞密之選其母諸弟
世預夷萬董之選己丑如魚兒濼辛卯中京饑罷巡幸夏
四月乙酉泛舟黑龍江五月丙辰王田安次蠶傷稼癸亥
日中有黑子己巳駐蹕犢山乙亥北院樞密使耶律乙辛
奏右護衛太保查刺等告北院樞密使蕭速撒等八人謀
立皇太子以無狀不治出速撒等三人補外護衛撒撥
等六人各鞭百餘徙于邊丙子以西北路招討使遼西郡

王蕭余里也為北府宰相兼知契丹行宮都部署事戊寅
詔告謀逆事者重加官賞六月巳外朝耶律乙辛令牌印
郎君蕭訛都幹誣首賞預速撒等謀籍其姓名以告郎命
乙辛及耶律仲禧蕭余里也耶律孝傑楊遵勗燕哥抄只
蕭十三等鞫治杖皇太子囚之宮中辛巳殺宿直官敵里
刺等三人壬午殺宣徽使撻不也等二人癸未殺始平軍
節度使撒刺等十人又遣使殺上京留守速撒及巳徙護
衛撒撥等六人乙酉殺耶律撻不也及其弟陳留丙戌廢
皇太子為庶人囚之上京巳止回鶻來貢殺東京留守同
知耶律回里不辛卯殺速撒等諸子籍其家戊申遣使按

五京諸道獄秋七月辛亥護衛太保查次加鎮國大將軍
預突呂不部節度使之選室韋查刺及蕭寶神奴謀魯古
並加左衛大將軍牌印郎君訛都幹尚皇女趙國公主授
駙馬都尉始平軍節度使祗候郎君耶律撻不也及蕭圖
古辭並加監門衛上將軍壬子知北院樞密副使蕭韓家
奴為漢人行宮都部署乙丑如秋山丁丑謁慶陵八月庚
寅漢人行宮都部署蕭韓家奴薨辛丑謁慶陵九月癸亥
壬田貢嘉禾壬申修乾陵廟冬十月辛丑駐蹕藕絲淀十
一月北院樞密使耶律乙辛遣其私人盜殺庶人濬于上
京閏十二月戊午以北府宰相遼西郡王蕭余里也知北

院樞密使事左夷离畢耶律燕哥為契丹行宮都部署丙寅預行正旦禮是歲南京大熟

四年春正月庚辰如春水甲午振東京饑二月乙丑駐蹕掃獲野戍辰以東路統軍使耶律王九為惕隱夏四月辛亥高麗遣使乞賜鴨綠江以東地不許五月丙戌駐蹕散水原六月甲寅阻卜諸酋長進良馬秋七月甲戌諸路奏飯僧尼三十六萬八月癸卯詔有司決滯獄九月乙未駐蹕躡藕絲淀庚子五國部長來貢冬十月癸卯以參知政事劉伸為保靜軍節度使十一月丁亥禁士庶服用錦綺日月山龍之文己丑回鶻遣使來貢庚寅商院樞密使耶律

仲禧為廣德軍節度使辛卯錦州民張寶四世同居命諸子三班院祗候十二月丁卯以北院樞密副使耶律朮知北院樞密使事

本紀第二十四

遼史二十四

開府儀同三司柱國錄軍國軍事中書右丞相監修國史領經筵事都總裁臣脫脫奉

勅修

道宗四

五年春正月壬申如混同江癸酉賜宰相耶律孝傑名仁
傑乙亥如山榆淀三月辛未以宰相仁傑獲頭鵝加侍中
壬辰以北院樞密使魏王耶律乙辛知南院大王事加于
越知北院樞密使事耶律霖為北院樞密使北院樞密副
使耶律特里底知北院樞密使事左夷离畢耶律世遷同
知北院樞密使事夏四月己未如納葛濼五月丁亥謁慶

陵以契丹行宮都部署耶律燕哥爲南府宰相北面林牙
耶律永寧爲夷裔畢同知南院樞密使事蕭撻不也及殿
前副點檢駙馬都尉蕭酬幹並封蘭陵郡王六月辛亥阻
卜來貢丁巳以北府宰相遼西郡王蕭余里也爲西北路
招討使己未遣使錄囚是月放進士劉瓘等百一十三人
秋七月己卯獵夾山八月庚申命有司撰太宗神功碑立
于南京九月己卯詔諸路毋禁僧徒開壇壬午禁虜從擾
民冬十月戊戌夏國遣使來貢己亥駐蹕獨盧金壬子詔
惟皇子仍一字王餘並削降丁巳振平州貧民己未以趙
王楊績爲遼西郡王魏王耶律乙辛降封混同郡王吳王
蕭韓家奴蘭陵郡王致仕十一月丁丑召沙門守道開壇
于內殿癸未復南京流民差役三年被火之家免租稅一
年十二月丙午彗星犯尾乙卯幸西京戊午行再生禮赦
雜犯死罪以下

六年春正月癸酉如鴛鴦灤辛卯耶律乙辛出知興中府
事三月庚寅封皇孫延禧爲梁王忠順軍節度使耶律頗
德南院大王耶律仲禧南院樞密使戶部使陳毅參知政
事夏四月乙卯獵炭山五月壬申免平州復業民租賦一
年庚寅以旱禱雨命左右以水相沃俄而雨降六月戊戌
駐蹕納葛灤戊申以度支使王績參知政事庚戌女直遣

使來貢秋七月戊辰觀市癸未爲皇孫梁王延禧設旗鼓
扞刺六人衛護之甲申獵沙嶺九月壬寅祠木葉山己酉
駐蹕藕絲淀冬十月己未朔省同知廣德軍節度使事命
奉先軍節度使兼巡警乾顯二州丁卯耶律仁傑出爲武
定軍節度使庚午參知政事劉詵致仕癸酉以陳毅爲漢
人行宮都部署王績同知樞密院事辛巳回鶻遣使來貢
十一月己丑朔日有食之癸卯召群臣議政十二月甲子
以耶律特里底爲孟父敞穩乙丑以蕭撻不也爲北府宰
相耶律世遷知北院樞密使事耶律慎思同知北院樞密
使事庚午免西京流民租賦一年甲戌減民賦丁亥豫行

正日禮戊子如混同江

七年春正月戊申五國部長來貢甲寅女直貢良馬二月
甲子如魚兒灤夏五月壬子駐蹕嶺西癸丑有司奏水清
武清固安三縣蝗甲寅以蕭撻不也兼殿前都點檢蕭酬
幹爲漢人行宮都部署兼知樞密院事六月甲子詔月祭
觀德殿歲寒食諸帝在時生辰及忌日詣景宗御容殿致
奠丙寅阻卜余古赧來貢丁卯以翰林學士王言敷參知
政事封北院宣徽使石篤漆水郡王秋七月戊子如秋山
丙申謁慶陵八月丁卯射鹿赤山加圍場使涅葛爲靜江
軍節度使九月戊子次懷州命皇后謁懷陵辛卯次祖州

命皇台謁祖陵乙巳駐蹕藕絲淀冬十月戊辰以惕隱主
九為南院大王夷离畢奚抄只為彰國軍節度使十一月
乙酉詔歲出官錢振諸宮分及邊戍貧戶丁亥幸駙馬都
尉蕭酬幹第方飲宰相梁穎諫曰天子不可飲人臣家上
即還宮己亥高麗遣使來貢辛亥除綃帛尺度狹短之令
十二月丁卯武定軍節度使耶律仁傑以罪削爵為民辛
未知興中府事耶律乙辛以罪囚于萊州

八年春正月甲申如混同江丁酉鐵驪五國諸長各貢方
物二月戊午如山榆淀辛酉詔北南院官凡給驛者必先
奏聞貢新及奏獄訟方許馳驛餘並禁之己巳夏國獲宋

將張天一遣使來獻壬申以耶律頗德為南府宰相兼知
北院樞密使燕哥為惕隱蕭撻不也兼知契丹行宮都部
署事三月庚戌黃龍府女直部長朮乃率部民內附予官
賜印綬是月詔行柁黍所定升斗夏四月壬戌以耶律世
遷為上京留守六月辛亥朔駐蹕納葛灤丙辰夏國遣使
來貢丁巳以耶律頗德為北院樞密使耶律巢哥南府宰
相劉筠南院樞密使蕭撻不也兼知北院樞密使事王績
漢人行宮都部署蕭酬幹國舅詳穩乙丑阻卜長來貢丙
子以耶律慎思知右夷离畢事秋七月甲午如秋山南京
霖雨沙河溢水清歸義新城安次武清香河六縣傷稼九

遼紀二十四
四
月庚寅謁慶陵丁未駐蹕藕絲淀大風雪平馬多死賜扈
從官以下衣馬有差冬十月乙卯詔化哥傳導梁王延禧
加金吾衛大將軍丙子謁乾陵十一月壬午以乙室大王
蕭何葛爲南院宣徽使權知奚六部大王事圖赴爲本部
大王十二月癸丑烏古敵烈統軍使耶律馬五爲北院大
王庚申降皇后爲惠妃出居乾陵

九年春正月辛巳如春水夏四月丙午朔大雪平地丈餘
馬死者十六七五月如黑嶺六月己未駐蹕散水原甲子
以耶律阿思爲契丹行宮都部署耶律慎思北院樞密副
使庚午詔諸路檢括脫戶罪至死者原之閏月丁丑以漢

人行宮副使耶律阿思爲北院大王戊寅追謚庶人濟爲
昭懷太子丁亥阻卜來貢己丑以知興中府事邢熙年爲
漢人行宮都部署漢人行宮都部署王績爲南院樞密副
使秋七月乙巳獵馬尾山丁巳謁慶陵癸亥禁外官部內
貸錢取息及使者館于民家八月高麗王徽薨九月癸卯
朔日有食之巳酉射熊于白石山加圍場使涅葛左金吾
衛大將軍己巳以高麗王徽子三韓國公勲權知國事辛
未五國部長來貢壬申召北南樞密院官議政事冬十月
丁丑謁觀德殿己卯南院樞密使劉筠薨壬辰混同郡王
耶律乙辛謀亡入宋伏誅十一月丙午進封梁王延禧爲

燕國三大赦以南院宣徽使蕭何葛為南府宰相三司使
王經參知政事兼知樞密事申寅詔僧善知讎校高麗所
進佛經頒行之已未定諸令史譯史遷叙等級十二月丁
亥以邢熙年知南院樞密使事辛卯以王言敷為漢人行
宮都部署高麗三韓國公王勳薨是年御前放進士李君
裕等五十一人

十年春正月辛丑朔如春水丙午復建南京奉福寺浮圖
戊辰如山榆浣二月庚午朔萌古國遣使來聘三月戊申
遠萌古國遣使來聘丁巳命知制誥王師儒牌印郎君耶
律固傳道燕國王延禧夏四月丁丑女直貢良馬五月壬

戌駐蹕散水原乙丑阻卜來貢丙寅降國舅詳穩班位在
敞穩之下六月壬辰禁毀銅錢為器秋七月甲辰如黑嶺
九月癸亥駐蹕藕絲浣冬十一月乙未改慶州大安軍曰
興平是月改明年為大安赦雜犯死罪以下

大安元年春正月丁酉如混同江癸卯王績知南院樞密
使事邢熙年為中京留守戊申以樞密直學士杜公疑參
知政事庚戌五國酋長來貢良馬二月辛未如山榆浣夏
四月乙酉宋主頊殂子煦嗣位使來告哀辛卯西幸六月
戊辰駐蹕拖古烈壬申以王績為南府宰相蕭撻不也兼
知南院樞密使事丁丑遣使弔祭于宋戊寅宋遣王真甄

祐等饋其先帝遺物秋七月乙巳遣使賀宋主即位戊午
 獵于赤山八月丁卯幸慶州戊辰謁慶陵及十月癸亥駐
 蹕好草浚戊辰夏國主李秉常遣使報其母梁氏哀甲申
 以蕭撻不也為南院樞密使十一月乙未詔比者外官因
 譽進秩久而不調民被其害今後皆以資給遷轉丁酉以
 南文直詳穩蕭袍里為北府宰相辛亥史臣進太祖以下
 七帝實錄丙辰遣使冊三韓國公王勲子運為高麗國王
 己未詔僧尼無故不得赴闕十二月甲戌宋遣蔡卞來謝
 弔祭

二年春正月辛卯如混同江己酉五國諸部長來貢癸丑

召權翰林學士趙孝嚴知制誥王師儒等講五經大義二
 月癸酉駐蹕山榆浚是月太白犯歲星三月乙酉女直貢
 良馬夏四月戊戌北幸癸丑遣使加統軍使蕭訛都幹太
 子太保裨將老古金吾衛大將軍蕭雅哥靜江軍節度使
 耶律燕奴右監門衛大將軍仍賜賚諸軍士五月丁巳朔
 以牧馬蕃息多至百萬賞群牧官以次進階乙亥駐蹕納
 葛灘戊寅宰相梁穎出知興中府事是月放進士張穀等
 二十六人六月丁亥朔以左夷離畢耶律坦為惕隱知樞
 密院事耶律幹特刺兼知左夷離畢事丙申阻卜來朝癸
 卯遣使按諸路獄甲辰以同知南京留守事耶律那也知

右夷裔畢事乙巳阻卜酋長余古赧及愛的來朝詔燕國
王延禧相結為友戊申以契丹行宮都部署耶律阿思兼
知北院大王事壬子高墩以下縣令錄事兄弟及子悉許
叙用秋七月丁巳惠妃母燕國夫人削去以厭魅梁王事
覺伏誅子蘭陵郡王蕭剌斡除名置邊郡仍隸興聖宮戊
午獐沙嶺甲子賜興聖積慶二宮貧民錢乙酉出粟振遼
州貧民八月戊子以雷罷獵九月庚午還上京壬申發粟
振上京中京貧民丙子謁二儀五鸞二殿己卯出太祖太
宗所御鎧仗示燕國王延禧諭以創業征伐之難辛巳召
南府宰相議國政冬十月乙酉朔以樞密副使竇景庸知

樞密院事丙戌五國部長來貢丁亥以夏國王李秉常薨
遣使詔其子乾順知國事十一月甲戌為燕國王延禧行
再生禮曲赦上京囚戌寅高麗遣使謝封冊癸未出粟振
乾顯成懿四州貧民十二月辛卯以蘭陵郡王蕭撻不也
為南院樞密使己亥夏國王李乾順遣使上其父遺物

本紀第二十四

本紀第二十五

遼史二十五

開府儀同三司 太子少師 皇國重事 中書丞相 兼 遼國史 領 經筵事 都 總 教 監 脫 脫 奉

勅修

道宗五

三年春正月乙卯如魚兒濼甲戌出錢粟振南京貧民仍
復其租賦已卯大雪二月丙戌發粟振中京饑甲辰以民
多流散除安泊逃亡徵償法三月乙卯高麗遣使來貢已
未免錦州貧民租一年甲戌免上京貧民租如錦州庚辰
女直貢良馬夏四月戊子賜中京貧民帛及免諸路貢輸
之半丙申賜隈烏古部貧民帛庚子如涼陁甲辰南府宰

相王績薨乙巳詔出戶部司粟振諸路流民及義州之饑
五月庚申海雲寺進濟民錢千萬秋七月丙辰獵黑嶺丁
巳出雜帛賜興聖宮貧民庚午大雨罷獵丁丑秦越國王
阿璉薨九月乙亥駐蹕匡魯金冬十月庚辰以參知政事
王經爲三司使壬辰罷節度使已下官進珍玩癸卯追封
秦越國王阿璉爲秦魏國王十一月甲寅以惕隱耶律坦
同知南京留守事遼興軍節度使耶律王九爲南府宰相
十二月己卯朔以樞密直學士呂嗣立參知政事

四年春正月庚戌如混同江甲寅太白晝見甲子五國部
長來貢庚午免上京逋逃及貧戶稅賦甲戌以上京南京

饑許良入自鬻丁丑曲赦西京役徒二月己丑如魚兒灤
甲午曲赦春州役徒終身者皆五歲免己亥如春州赦泰
州役徒三月乙丑免高麗歲貢己巳振上京及平錦來三
州饑夏四月己卯振蘇吉復綠鐵五州貧民并免其租稅
甲申振慶州貧民乙酉減諸路常貢服御物丁酉立入粟
補官法癸卯西幸召樞密直學士耶律儼講尚書洪範五
月辛亥命燕國王延禧寫尚書五子之歌乙卯振祖州貧
民丁巳詔免役徒終身者五歲免之己未振春州貧民丙
寅禁挾私引水犯田六月庚辰駐蹕散水原丁亥命燕國
王延禧知中丞司事以同知南院樞密使事耶律聶里知

右夷離畢知右夷離畢事耶律那也同知南院樞密使事
庚寅北院樞密使耶律頗德致仕秋七月戊申曲赦奉聖
州役徒丙辰遣使冊李乾順爲夏國王庚申如秋山己巳
禁錢出境八月庚辰有司奏宛平永清蝗爲飛鳥所食庚
寅謁慶陵冬十月丁丑獵遼水之濱己卯駐蹕藕絲淀癸
未免百姓所貸官粟己丑知北院樞密使事耶律阿思封
漆水郡王癸巳以乙室大王耶律敵烈知西北路招討使
事權知西北路招討使事蕭朽哥知乙室大王事壬寅詔
諸部長官親鞫獄訟十一月庚申興中府民張化法以父
兄犯盜當死請代皆免十二月戊寅南府宰相耶律王九

致仕癸未以孟父敞穩耶律慎思爲中京留守閏十二月
癸卯朔預行正旦禮丙午如混同江

五年春正月癸未如魚兒灤甲午高麗遣使來貢三月癸

酉詔析津大定二府精選舉人以聞仍詔諭學者當窮經

明道夏四月甲辰以知奚六部大王事涅葛爲本部大王

壬子獵北山甲子霖雨罷獵五月丁亥駐蹕赤勒嶺己丑

以阻卜磨古斯爲諸部長癸巳回鶻遣使貢良馬己亥以

同知南院樞密使事耶律那也知右夷離畢事左祗候郎

君^士詳穩耶律涅里知北院大王事六月甲寅夏國遣使

來謝封冊壬戌以參知政事王言敷爲樞密副使前樞密

副使賈士勳參知政事兼同知樞密院事秋七月庚午獵
沙嶺九月辛卯遣使遺宋鹿脯壬辰駐蹕藕絲淀冬十月
乙巳以新定法令太煩復行舊法庚申以遼興軍節度使
何葛爲乙室大王十一月丁卯朔燕國王延禧生子大赦
妃之族屬進爵有差

六年春正月如混同江二月辛丑駐蹕雙山三月辛未女
直遣使來貢夏四月丁酉東北路統軍司設掌法官庚子
以同知南院樞密使事耶律吐朶知左夷離畢事五月壬
辰駐蹕散水原六月甲寅遣使決五京囚秋七月丙子如
黑嶺冬十月丁酉駐蹕藕絲淀十一月壬戌高麗遣使來

貢己巳以南府宰相寶景庸爲武定軍節度使是年放進
士文克等七十二人

七年春正月壬戌如混同江二月己亥駐蹕魚兒濼壬寅
詔給渭州貧民耕牛布絹三月丙戌駐蹕黑龍江夏四月
丙辰以漢人行宮副部署耶律谷欲知乙室大王事五月
己未朔日有食之六月甲午駐蹕赤勒嶺己亥倒塌嶺人
進古鼎有文曰萬歲永爲寶用辛丑回鶻遣使貢方物癸
卯以權知東京留守蕭陶隗爲契丹行宮都部署丁未端
拱殿門災秋七月戊午朔回鶻遣使來貢異物不納厚賜
遣之八月庚寅以霖雨罷獵壬寅幸慶州謁慶陵九月丙

申還上京己亥日本國遣鄭元鄭心及僧應範等二十八人
來貢冬十月辛巳命燕國王延禧為天下兵馬大元帥總
北南院樞密使事十一月庚子如藕絲淀甲子望祀木葉山
八年春正月乙酉如山榆淀乙未阻卜諸長來降三月己
亥駐蹕撻里捨淀丁未曲赦中京蔚州役徒夏四月乙卯
阻卜長來貢丁丑獵西山惕隱酋長胡里只來附五月甲
辰駐蹕赤勒嶺六月乙丑夏國為宋侵遣使乞援秋七月
丁亥獵沙嶺九月乙巳駐蹕藕絲淀丁未日本國遣使來
貢冬十月庚戌朔遣使遺宋鹿脯丙辰振西北路饑辛酉
阻卜磨古斯殺金吾吐古斯以叛遣奚六部禿里耶律郭

三發諸蕃部兵討之壬申南府宰相王經薨戊寅以左夷
离畢那津涅里為彰聖軍節度使十一月戊子以樞密副
使王是敷兼知樞密院事權參知政事韓資讓參知政事
漢人行宮都部署奚面离保知奚六部大王事丁酉以通
州潦水害稼遣使振之戊申北院大王合魯薨是年放進
士冠尊文等五十三人

九年春正月庚辰如混同江二月磨古斯來侵三月西北
路招討使耶律阿魯掃古追磨古斯還都監蕭張九遇賊
與戰不利二室韋拽刺北王府特滿群牧宮分等軍多陷
沒夏四月乙卯興中府甘露降遣使祠佛飯僧癸酉獵西

山六月丁未朔駐蹕散水原庚申以遼興軍節度使榮哥
爲南院大王知左夷離畢事耶律吐朵爲左夷離畢秋七
月辛卯如黑嶺壬寅遣使賜高麗羊九月癸卯振西北路
貧民冬十月庚戌有司奏磨古斯詣西北路招討使耶律
撻不也爲降旣而乘虛來襲撻不也死之阻卜烏古札叛
達里底拔思母並寇倒塌嶺壬子遣使籍諸路兵癸丑以
南院大王特末同知南京留守事命鄭家奴率兵往援倒
塌嶺甲寅駐蹕藕絲淀以左夷離畢耶律禿朵圍場都管
撒八並爲西北路行軍都監乙卯詔以馬三千給烏古部
丙辰有司奏阻卜長轄底掠西路群牧丁巳振西北路貧

民己未燕國王延禧生子肆赦妃之族屬並進級壬戌以
樞密直學士趙廷睦參知政事兼同知南院樞密使事癸
亥烏古敵烈統軍使蕭朽哥奏討阻卜等部捷甲子宋遣
使告其母后曹氏哀即遣使弔祭己巳詔廣積貯以備水
旱十一月辛巳特抹等奏討阻卜捷十二月丙辰宋遣使
以母后遺留物來饋

十年春正月如春水癸未惕德來貢戊子烏古扎等來降
達里底拔思母二部來侵四捷軍都監特抹死之二月甲
辰以破阻卜賞有功者丙午西南面招討司奏討拔思母
捷癸丑排雅僕里同葛虎骨僕果等來降達里底來侵三

遼紀三十五
月壬申朔日有食之山北路副部署蕭阿魯帶奏討達里
底捷夏四月壬寅朔惕德萌得斯老古得等各率所部來
附詔復舊地甲辰駐蹕春州北平淀丙午烏古部節度使
耶律陳家奴奏討茶扎刺捷庚戌以知北院樞密使事耶
律幹特刺為都統夷离畢耶律朮朶為副統龍虎衛上將
軍耶律胡呂都監討磨古斯遣積慶宮使蕭紉里監戰辛
亥朽哥奏頗里八部來侵擊破之己巳除玉田密雲流民
租賦一年閏月庚子賜西北路貧民錢達里底拔思母二
部來降五月甲辰駐蹕赤勒嶺甲寅括馬戊午西北路招
討司奏敵烈等部來侵統軍司出兵與戰不利招討司以

兵擊破之敦睦宮太師耶律愛奴及其子死之辛酉以知
國舅詳穩事蕭阿烈同領西北路行軍事六月辛未宋遣
使來謝弔祭乙酉烏占敵烈統軍使朽哥有罪除名丙戌
和烈葛等部來聘癸巳惕德來貢己亥禁邊民與蕃部為
婚是夏高麗國王運薨子昱遣使來告即遣使賻贈秋七
月庚子朔獵赤山是月阻卜等寇倒塌嶺盡掠西路群牧
馬去東北路統軍使耶律石柳以兵追及盡獲所掠而還
九月己未以南院大王特末為南院樞密使甲子敵烈諸
酋來降釋其罪是月幹特刺破磨古斯冬十月丙子駐蹕
藕絲淀壬午山北路副部署蕭阿魯帶以討達里底功加

左金吾衛上將軍癸巳西北路統軍司獲阻卜長拍撒葛
蒲魯等來獻十一月乙巳楊德銅刮阻卜的烈等來降達
里底及拔思母等復來侵山北副部署阿魯帶擊敗之十
二月癸酉三河縣民孫賓及其妻皆百歲後其家甲戌以
參知政事趙廷睦兼同知樞密院事樞密副使王師儒參
知政事兼同知樞密院事己卯詔錄西北路有功將士及
戰歿者贈官乙酉詔改明年元減雜犯死罪以下仍除貧
民租賦戊子西北路統軍司奏討麻古斯捷

本紀第二十五



